

開縣志

山川 津梁附

蜀山水秀麗冠天下自唐韋處厚以盛山十二景詩唱和於京師而開之名遂著然治環羣嶂城俯雙江固有柳州所不能記李成所不能繪者豈徒一邱一壑供人賞玩已哉作山川志第四

盛山 寰宇記盛山在州西北三里突兀高聳唐韋處厚知開州有盛山十二景詩韓愈爲之序杜甫詩拄笏看山尋盛字盖以狀言也上有宿雲亭隱

開縣志

卷四 山川

一

月岫流盃池琵琶台盤石磴葫蘆沼繡衣石瓶泉井梅溪桃塢茶嶺竹厓爲十二景今圯無存府志盛山在縣北三里突兀高峰爲縣主山山如盛字故名

神仙山 在縣東二里寰宇記相傳昔有仙人衣朱衣乘白馬登此山唐天寶初置壇號神仙宮石巖鑿有文昌二字每逢元宵佳節以油燭燃之點畫分明文光遠照

州面山 在縣南一里羣峰秀矗一名瑞賢山

瑞石山 在縣東南八里一峰突起上有瑞石俗名
毘盧山

崖飛山 在縣東北一百四十里高一百七十丈崖
勢高懸如飛鳥一名雁飛山

石塔山 在縣東北寰宇記石塔山自開達二州入
當縣界與夔州接界山下有泉分爲三道一入夔
州一入開州一入達州

石門山 在縣北一百里有石穴名盤頭洞洞中有
水產嘉魚舊屬清水縣寰宇記石門山在萬歲縣

開縣志

卷四

山川

二

東北十里

九龍山 在縣西三十里有石楠垂雲玉環凝香飛
虹啼猿磨嵯飛仙青楓共九山峯巒聯峙勢相起
伏亦名九隴山

鯉城山 在縣西四十里三面懸絕東西有城城間
有浦多生鯉魚因名有常渠水流經此山寰宇記
鯉城山在新浦縣西四十里

城山 在縣西十五里四面懸絕東向有城
鐵鳳山 在縣南四十里

射洪山 在縣南二十里廣輿記上有關索故城舊傳關索曾射於此

界頂山 在縣東北七十里

九折山 在縣西五十里高八十丈山形盤旋九折俗名觀音山明孝廉汪朮建亭於此施茶以便往來憩息

大池山 在縣西十五里高數百丈頂有大池方廣百畝水極清冽其水左右互繞如環無端俗呼爲太極圖嘉慶初里人歐陽果據此山以禦賊保全

開縣志

卷四 山川

三

生靈甚衆

安樂山 在縣北百里宋蘇軾過此有詩

登雲山 在縣南州面山之右高五丈周十八丈

茶嶺 在縣北三十里舊傳產茶味絕佳不生襍卉今則無矣石麟士曰盛山十二景有茶嶺據韋詩千叢自此始含露紫英肥似韋公手植於盛山者與此無涉

獅子崖 在縣南自開州坪西偏半山突起峰巒形如狡狴故名上有石高二丈餘中嵌小石光圓如

置卵杯中狀

瑞賢山 在縣南隔三里羣峰秀矗俗呼州面山冊說州面山在縣南一里瑞賢山在縣南三里

青岡山 在縣西南四十里峰巒崿嶽江出此即高梁山也方輿勝覽青岡山在開江縣一百四十二里明統志青岡山與百現山相近

朝閣山 在縣北寰宇記朝閣山自開達二州界南入當縣

熊耳山 在縣東北五里以形似名之與神仙山並

開縣志

卷四

山川

四

秀聳擅勝南至奉節縣界寰宇記熊耳山在萬歲縣東北下入扶城水南至夔州界

石柱關 在縣東十里與黃陵城近四壁斬截惟西面一徑羊腸繞上不能左擔有兩石柱高三丈對峙如關故名崇禎十四年猛如虎黃陵城之敗居民千餘家倚壁爲寨賊不得犯然聞長老言是時天雨血死者過半矣今關下吳氏爲縣大姓猶前明土著云上有報國寺明嘉靖間建有斷碑

鳳凰山 在縣南一百六十里萬縣交界處崖壑峭

古老樹槎枿有祖師靈官二殿覆以鐵瓦相傳殿成時雷電風雨爲之汛掃又有石罅奧折清水漪流新五代史天福七年六月鳳凰見萬歲縣相傳浴此池中因名鳳凰池

印盒山 在縣西六十里形方似印故名居民禱雨輒應

七星山 在縣西北六十里

三星山 在縣西五十餘里三峯高出與七星並峙凝秀山 在縣西五十餘里

開縣志

卷四 山川

五

中峰山 在縣西八十里峰巔雲聚則雨雲散則晴土人恒以是卜之無差

眞武山 在縣西

月素城 在縣南岳溪市之東田疇平曠中起一峰望若列屏

龜沙山 在縣東形似故名

九重山 在縣東高六十里上有迷魂塘驟至其處迷不得路

雪泡山 在縣東開太兩縣分水東水清冽其流屈

曲繞行四百餘里會於城隅故名東江一名清江
西水由太平逮綏定過順慶合嘉陵江

雲頭山 在縣南一百二十里望之雲氣繚繞上有
觀音閣

迴風山 在縣東形如圓箕天陰則迴風如於日出
而風止

寶珠山 在縣西二里

插旗山 在縣西百里山形如張旗幟

河晏山 在縣東五里舊名火焰山夜常有光邑多

開縣志

卷四 山川

六

火災邑令徐久道更名取以水制火之義

法戒山 在縣西大池山上懸巖峭壁高數百丈上
有石柱頗著靈異

大羅山 在縣西一百二十里

花石崖 在縣西北崖壁嵌空玲瓏色白如雪

羊牯巖 在縣東百三十里高數百丈向苦無徑乾
隆初有人見一羊緣巖而上遂跡之得小徑道乃

通立祠祀之

石筍坪 在縣西百里二石豎其上如筍秀峭天然

玉屏山 在縣西九龍山高數百丈厚祇數尋故名
開江 在縣南一里源自新寧縣東北霧山坎東南
流入縣南一里又東南流至雲陽縣入江卽彭溪
源也一統志源出達州新寧縣東北入開縣界又
東南入雲陽萬縣界入江今名開江一名小江又
名臨江水經注彭溪水出巴渠獠中東南流經漢
豐縣東清水注之又南至胸忍縣西六十里南注
於江謂之彭溪口九域志開江有疊江方輿勝覽
開江有兩江曰清江曰開江又曰疊江明統志開

開縣志

卷四

山川

七

江在開縣治南源出新寧縣霧山坎流經今縣合
清江過雲陽縣界入岷江府志開江在縣南一里
源出笄山又有桃溪在縣西二十里源出大陂東
注開江又有梓水溪在縣西百七十里源出太平
舊志小江自新寧縣霧山坎東南流七十里經開
縣南一里又東南合清江墊江經雲陽縣西四十
五里入大江其入江處曰小江口去萬縣六十里
清江 在縣東北水經注清水出巴渠縣東北巴嶺
南獠中卽巴渠水也西南流經其縣又西入峽檀

溪水出焉又西出峽至漢豐縣東而西注彭溪謂之清水口寰宇記清水出萬歲縣東北石塔山南流經石門山又西南經巴渠故城東又西南經萬歲縣東二里又西南入開江縣界明統志源出達州萬頃池府志在縣東一里冊說在縣東北五十里源出界頂山南流五十里至縣東南入開江云出萬頃池誤

墊江 在縣南三十里源出青岡山東流五十里入

開江疑卽古之北集渠寰宇記有常渠水一名白

開縣志

卷四

山川

八

浦水西自新寧縣界流入東流經鯉城山又東經新浦縣南三里入開江縣界又云新浦縣墊江水源自高梁山東北流至縣南入常渠水舊志一名濁水在縣南四十里自梁山縣流經渠口入於開江水經注北集渠水出新浦縣北高梁山南流經其縣西又南一百里入胸忍縣南入於江謂之北集渠口別名班口又名分水口胸忍縣尉治此

按省志小江有數源一出開縣東北山曰板橋溪西南流有謝家壩水自東南來會折西至舊

縣壩南有北源觀面山一水西北來會又西南有跳墩河西來注之又南經縣東南有西源曰臨江自西北山來會折東南有墊江西南來會始曰小江亦曰清水江又東南至小江口西南入江蜀水經曰江水又東經小江口受彭水彭水出霧山東受濁江濁江出青岡山東經渠口入彭彭水又東受桃溪桃溪出大東陂經火焰壩受梓水梓水出太平山東入桃溪桃溪又東經臨江市入彭彭水又東北經開縣城南受清

水清水出石塔山西南經石門又南經龍馬洞又西南受北水白水出崖飛山西南入清清水又西南受三潮溪三潮出溫湯峽之積正洞西流爲檀井溪入清清水又南經開縣城東入彭彭水又東南受網鹿溪又南經小江口入江彭溪在縣西百里源出新寧縣東北東流經開縣又東南歷萬縣省志水經注彭溪水巴渠郡獠中出東南流漢豐縣東清水注之又經胸忍縣西六十里南流注於江謂之彭溪口漢書胸忍

縣容母水所出疑卽此

雷洞 在縣北六十里温井後山側廣德初雷震而成唐志在萬歲縣名靈洞一名東洞舊志洞口石室石盒佛像詳見唐杜光庭錄異記今名仙女洞洞深不測竒巧萬狀道光初洞頂有明珠三顆閃爍奪目今存其一威遠進士羅珍題聯云定有神仙藏洞府渾疑世界入洪荒

集真洞 在縣東北二十里嘉靖五年掘出一碑記云內有石日月其明如晝爲真人所居故謂之集

開縣志

卷四

山川

十

真洞傳聞漁人遇暑夜嘗見人在彼河內沐浴有應答聲俄而遁入水中疑其爲洞仙也

老龍洞 郡國志在縣西北八十里洞門方廣五尺深不可測以火燭之行三里許有水池極深凡遇旱禱雨輒應相傳宋時早有祈雨者入洞中取水忽迷路遂前行三十里見一大宅院有一老嫗曝米穀後園中有犬數百五色斑斕各自爲隊或躍或舞或偃或卧殿堂門廡金碧輝煌老嫗問曰汝來何爲其人據實以對且賜飯食之甚美老嫗嘗

以身遮護恐爲羣犬所害乃曰此不宜久居我授汝一竹杖持此可知前路至洞口置之慎勿持去亦勿回顧又以白米一升貽之其人回至洞口行百步回視竹杖乃龍也頭角崢嶸牙爪奮露奔至家視其米皆珠也其人後壽至八十

龍馬洞 在縣北五十里舊志一名西洞門高一丈方廣二畝內有一石塔高二丈一石座高七尺上有石傘罩之又有二石龍頭角崢嶸牙爪奮露一石柱挺立不倚一石鼓擊之鏗然有聲上有瓔珞

開縣志

卷四

山川

十一

下垂如流珠狀者數百五彩祥雲舒卷不一形像巧於鐫刻石壁下有井方廣一丈深不可測有馬蹄跡自井中出入錯襍稍北又有洞門高七尺許以燭火照之可行三四里卽滅洞口有延真觀圯壞碑誌剥落

溫井 在縣南其水冬夏常溫

白水溪 自崖飛山發源南流三十里至縣東北四十里入於清江

三潮溪 在清水溫湯鹽井之側自積正洞發源至

縣東二十里入於清江一日三潮冬溫夏涼頗爲

神異

按積正洞卽積真洞

溫湯井 在縣東北五十里有松木柏木龍馬三井

煎鹽輸課

桃溪 在縣西三十里源出達州大陂溪至火焰

壩與梓水合流注於臨江

梓水溪 在縣西一百七十里源出達州太平山至

火焰壩注於桃溪

鹽泉 寰宇記鹽泉在萬歲縣東二十餘里平地

開縣志

卷四 山川

十二

黑天池 在縣西比百五十里上有龍王廟池水清

澈見底歲旱祈雨用木搯於井面以磁瓶倒覆其

上焚香拜禱須臾水聲如雷瓶由木上自墜井底

未幾浮出取視之則濁水滿焉急捧歸大雨如注

矣又威靈池在譚家山祈雨亦驗人以爲黑天池

之分龍云

龍洞 在縣東北二十餘里馬札營洞口高五六

丈有小河水流入之其水暗行三十里自巖腹流

出

長厓洞 在縣西深十餘丈寬二丈餘洞開山腹橫
通小徑甘泉出焉

南天洞 在縣西明末時江脉出其中晴日聞水如
雷或如牛鳴人多移避之

鷄公洞 在縣西洞中陰黑水深不可測臨之滋懼
風箱口 在縣南內一石穴如山之竅穴中風四時
不息夏涼冬溫行人憩此

白馬泉 在縣東二百八十里常有白馬見或云白
馬龍駒也泉出嘉魚喙喋水面

開縣志

卷四

山川

十三

官渡河 在縣東一百四十里爲水界灘上下頓異
寒溫漁者有嘉魚不下灘鯉魚不上灘之諺蓋嘉
魚惡熱鯉魚惡寒也

飛龍洞 在縣東二百四十里水極幽深昔人相傳
一日雷電作處龍從中騰去石上龍身印迹全見
觀音洞 在縣東開州坪西偏父老傳言獻賊自黃
陵城突出搃兵猛如虎疾追至此殺賊最多今農
夫鋤地每得箭鏃刀環

龍洞巖 在縣西一百里壁立千尋飛瀑懸空聲聞

數里雨後聲大則晴晴久聲大則雨占之屢驗

津梁

駟馬橋在縣南五里

三升橋在縣西三十里

成德橋在縣西五十里

太和橋在縣西北百五十里尹姓合族建

龍王橋在縣西南百一十里雍正時建

培元橋在縣西百三十里

大洞橋在縣東十里

開縣志

卷四

津梁

十四

水南橋在縣南一里

觀音橋在縣西十里

馬嘶橋在縣西一百里

小水橋在縣西六十里

玉璜橋在縣西四十里

天池橋在縣西南

鐵鎖橋在縣西南八十里

合龍橋在縣西八十里明嘉靖八年邑人魯瑱修

蕩平橋在縣北四十里

烏楊橋在縣東十里有烏楊一株大十圍

大橋在治東二里

福壽橋在治東二里乾隆初因改今路建

楊柳橋在治東三里通黃陵城

三拱橋有二一在治西一里下有三洞制甚宏壯

一在治西八十里往新寧大道李姓捐修

平橋在縣西四十五里監生宋名標職員張以理

生員羅于鬢倡修

迴龍橋在縣西四十里竹溪舖乾隆年間建

開縣志

卷四

津梁

十五

賀公橋在縣西三滙口賀公年五十餘乏嗣捐修

此橋後生子故名

自生橋有四一在縣北五里一在縣西三十里一

在縣東馬札營西四十五里一在縣南地當衝

要深澗濶數丈許旁有兩石互結成橋其交關

處先年尙隔尺餘迄今兩石繫逗可通往來

南埡場拱橋一座劉姓倡修

捲洞橋在縣南岳溪市

培家橋在縣南扇子山

清溪溝橋一座在縣南

四道河橋一座在縣南

鯉魚洞橋一座在縣南

八仙橋在縣東石刻八仙像年代無考

太學橋在縣東長店房

觀音壩石橋在縣東

郭家灣橋二座

躍龍橋在縣東埜潭溪

雙河橋在縣東

開縣志

卷四

津梁

十六

高橋在江里九龍山縣西六十里明天啟元年義

士王金明捐修

國朝貢生鄒興照倡義重修復舊制

鎮安橋在縣西三十里

檀溪橋在溫塘井東七里橋下卽檀溪水道光年

間歲貢彭厚載倡建

官潭渡在縣南一里

臨江洞口渡在縣西六十里

枇杷渡在縣東十五里

清江渡在縣東一里

草街子渡在縣南一里

李家沱渡在縣西四十里

龍舌嘴渡在縣西三十里

桃溪河渡在縣西三十里

雙河渡在縣南一百二十里

渠口渡在縣東三十里

網鹿溪渡在縣東六十里

馬渚渡在治東三里一名滴水岩

開縣志

卷四

津梁

十七

靖江義渡在縣西六十里臨江市職員張以理倡置

官壩河渡在縣西臨江市少北

涼陰渡在縣西臨江市少東

濟美渡在縣西四十里

鐵鎖橋樂善渡在縣西九十里

二美渡在縣西四十五里

桃溪上渡在縣西三十里

桃溪下渡在縣西三十里

法龍潭渡在縣南

流絲渡在縣東琵琶渡之下

溫湯井碼頭渡士民捐買膏谷井鹽竈一所每年收租錢八十千作渡夫船隻費有碑

長店房渡在縣東四十里

牛氏浩渡在縣東十里里民蕭正緒倡置義渡

大浪子渡在縣東四十里

上馬蹬渡在縣東四十里

白家溪渡在縣東四十里

開縣志

卷四

津梁

十八

白沙窠渡在縣東四十里

正壩河渡在縣北八十里里民周姓弟兄捐置

按以上橋渡爲邑民捐置者甚多俱詳見急公尙義

關隘

附

虎爪關在縣北三里

金練關在縣北五十里

高橋關在縣北一百里

茅坡關在縣西九十里

寶山關在縣西一百二十里

楊柳關在縣西北一百五十里

以上關隘咸豐三年皆設有堆卞又修哨樓七處

楊柳關 哨樓一座

巫山坎 哨樓一座

大埡口 哨樓一座

網鹿溪 哨樓一座

雲開店 哨樓一座

開縣志

卷四

津梁

十九

里二壩 哨樓一座

梅子關 哨樓一座